

## RESOLUCIÓN REITORAL POLA QUE SE SUSPENDE O ARTIGO 5 DA NORMATIVA DE PERMANENCIA E PROGRESO NAS TITULACIÓNS OFICIAIS DE GRAO E DE MÁSTER DA UNIVERSIDADE DE VIGO

A actual normativa de permanencia e progreso nas titulacións oficiais de grao e de máster da Universidade de Vigo foi aprobada polo Consello de Goberno, o día 16 de decembro de 2016, e polo Consello Social da Universidade de Vigo, o día 12 de xuño de 2017, e publicada no DOG o día 30 de xuño de 2017.

Esta normativa aplicouse ao alumnado de estudos de grao e de máster da Universidade de Vigo desde o curso 2017-2018.

O Consello de Goberno aprobou o día 28 de abril de 2023 unha nova normativa de permanencia e progreso, pero debido a que aínda non está aprobada polo Consello Social, polo Consello de Universidades, nin publicada no DOG, non se poderá implantar no curso 2023-2024.

A vixente normativa establecía no artigo 5 o seguinte:

*Da permanencia do estudiantado de grao*

- a) *O alumnado de grao de primeiro curso e de novo ingreso deberá superar, polo menos, dúas materias ou 12 ECTS se está matriculado en réxime a tempo completo e unha materia ou 6 ECTS se está matriculado en réxime a tempo parcial.*
- b) *O estudiantado de grao que non supere os mínimos indicados no número anterior poderá continuar os seus estudos na mesma titulación da Universidade de Vigo, condicionado á superación no seguinte curso académico de, polo menos, 30 ECTS se está matriculado en réxime a tempo completo e 18 ECTS se está matriculado en réxime a tempo parcial. De non superalos, non poderá continuar os mesmos estudos na Universidade de Vigo.*

Na nova normativa de permanencia o artigo 5 quedaría redactado do seguinte xeito:

*O alumnado de grao de primeiro curso e de novo ingreso que acceda a través de calquera proceso de admisión, agás a admisión aos cursos de adaptación ao grao (cursos ponte) deberá superar, polo menos, 6 ECTS, tanto se está matriculado a tempo completo como a tempo parcial. De non superalos, non poderá continuar os mesmos estudos na Universidade de Vigo. Neste cómputo non se terán en conta os créditos obtidos por recoñecemento.*

Dada a diferenza entre as dúas normativas neste artigo, o servizo de grao solicitou á Comisión de Permanencia e Progreso da Universidade de Vigo suspender o control do actual artigo 5 para o alumnado de primeiro de novo ingreso que se vai matricular no curso 2023-2024, debido a que no curso 2024-2025 xa non se poderá aplicar o apartado b) da normativa actual, por entrar en vigor a nova normativa de permanencia. Por outra banda, ao alumnado que non cumpriu o apartado a) do artigo 5 para a matrícula do curso 2022-2023, non se lle pode facer o control automático do apartado b) para a matrícula do curso 2023-2024 debido ao cambio na plataforma de xestión académica.

Dita comisión, na xuntanza celebrada o 31 de maio de 2023, aprobou a solicitude en base a Disposición adicional segunda da citada normativa que prevé: *Autorízase a Comisión de Permanencia e Progreso da Universidade de Vigo para ditar as disposicións e as instrucións precisas para desenvolver e aplicar o establecido na presente normativa, así como para adoptar as disposicións e as accións pertinentes ante situacións excepcionais non previstas nela. Esta comisión dará conta de tales disposicións ao Consello de Goberno.*



Por todo o anterior, esta REITORÍA resolve:

Suspender o artigo 5 da normativa de permanencia e progreso nas titulacións oficiais de grao e de máster da Universidade de Vigo, no curso 2023-2024.

Contra esta resolución, que esgota a vía administrativa, poderá interpoñerse recurso ante a Xurisdición Contencioso-Administrativa, no prazo de dous meses contados dende o día seguinte ao da súa publicación, de conformidade co disposto na Lei 29/1998, do 13 de xullo, reguladora da Xurisdición Contencioso-Administrativa (BOE 14/07/1998).

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da mesma, perante o mesmo órgano que a ditou. Neste caso, non se poderá interpoñer recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do Procedemento Administrativo Común das Administracións Públicas (BOE 02/10/2015).

O Reitor

Manuel J. Reigosa Roger

(asinado electrónicamente)



**CSV : GEN-671c-1121-b461-dd74-9c4c-b726-bb0a-ab34**

DIRECCIÓN DE VALIDACIÓN : <https://portafirmas.redsara.es/pf/valida>

**FIRMANTE(1) : MANUEL JOAQUÍN REIGOSA ROGER | FECHA : 20/06/2023 10:27 | NOTAS : F**